



სსიპ ფინანსთა სამინისტროს აკადემია

საავტომობილო ტრანსპორტის მომსახურებების სახელმწიფო შესყიდვის გამარტივებული
ელექტრონული ტენდერის სატენდერო დოკუმენტაცია

სარჩევი

1. ინსტრუქცია ტენდერში მონაწილეობის ----- 2 გვ.
2. ტექნიკური დოკუმენტაცია ----- 3 გვ.
3. სახელმწიფო შესყიდვის შესახებ ხელშეკრულების პროექტი ----- 5 გვ.
4. ფასების ცხრილის ფორმა დანართი N1 ----- 9 გვ.
5. რეკვიზიტები დანართი N2 ----- 11 გვ.
6. ინფორმაცია მომსახურების შესრულებისათვის საჭირო ავტოსატრანსპორტო
საშუალებების შესახებ დანართი N3 ----- 12 გვ.



1. ინსტრუქცია გამარტივებულ ელექტრონულ ტენდერში მონაწილეობის მისაღებად

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული წინადადება.

1.8 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-6 მუხლის შესაბამისად ასევე სატენდერო კომისიის აპარატში, ქ. თბილისი, გორგასლის ქუჩა №10, მე-6 სართული, საკონტაქტო პირი: ქრისტინე ენუქიძე ტელ: 2 26 10 26 (შიდა 1121)



2. ტექნიკური დოკუმენტაცია

2.1 ანგარიშსწორების პირობები:

2.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2.2 ანგარიშსწორება მოხდება უნაღდო ანგარიშსწორებით ლარში.

2.2.3 ანგარიშსწორება მოხდება ფაქტობრივად გაწეული მომსახურების შესაბამისი ანგარიშ-ფაქტურის წარმოდგენიდან, (თუ მიმწოდებელი არ არის დღგ-ეს გადამხდელი, დღგ-ეს არ გადამხდელობის შესახებ შესაბამისი ცნობის წარმოდგენიდან) და მიღება-ჩაბარების აქტის გაფორმებიდან 20 (ოცი) სამუშაო დღის განმავლობაში.

2.2.4 საავანსო ანგარიშსწორება არ გამოიყენება.

2.3 ხელშეკრულების შესრულების უზრუნველყოფის საბანკო გარანტია: არ გამოიყენება

2.4 შესყიდვის ობიექტის ტექნიკური დავალება:

2.4.1 შესყიდვის ობიექტია - სასწავლო კურსში მონაწილე პირების ტრანსპორტირების მომსახურება დანართი N1-ის შესაბამისად;

2.4.2 პრეტენდენტი უნდა აკმაყოფილებდეს შემდეგ პირობებს:

2.4.2.1 სატრანსპორტო საშუალებების მძღოლები უნდა იყოს გამოცდილი, უნდა გააჩნდეს შესაბამისი კატეგორიის მართვის მოწმობა;

2.4.2.2 შემოთავაზებული ავტომობილები უნდა იყოს ტექნიკურად გამართული, მგზავრებისთვის კომფორტული (კონდენციონერით აღჭურვილი) და მგზავრობისთვის უსაფრთხო;

2.4.3 პრეტენდენტი ვალდებულია უსაფრთხოდ და დროულად უზრუნველყოს მგზავრთა გადაადგილება;

2.4.4 პრეტენდენტი ვალდებულია მომსახურება განახორციელოს სუფთა/გარეცხილი ავტომობილით;

2.4.5 დაცული უნდა იყოს სატრანსპორტო საშუალებების უსაფრთხოების ყველა ნორმა;

2.5 მომსახურების გაწევის ვადები და ადგილი:

2.5.1 მომსახურების გაწევის ვადა: 2015 წლის 24 მაისიდან 2015 წლის 6 ივნისის ჩათვლით;

2.5.2 მომსახურების გაწევის ადგილი: დანართი N1-ის შესაბამისად;

2.6 პრეტენდენტის მიერ სისტემაში ასატვირთი მონაცემები:

2.5.1 ფასების ცხრილი დანართი №1-ის შესაბამისად;

2.5.2 რეკვიზიტები დანართი №2-ის მიხედვით;

2.5.3 მომსახურების შესრულებისათვის საჭირო ავტოსატრანსპორტო საშუალებების შესახებ ინფორმაცია დანართი №3-ის მიხედვით;

2.5.4 ავტოსატრანსპორტო საშუალებ(ებ)ის საკუთრების დამადასტურებელი დოკუმენტი ან ქირავნობის ხელშეკრულება.

2.5.5 შემოთავაზებული ავტოსატრანსპორტო საშუალებების რეგისტრაციის მოწმობა;

2.5.6 სატენდერო წინადადების ხელისმოწერისათვის უფლებამოსილი პირის მიერ გაცემული მინდობილობა (საჭიროების შემთხვევაში) ნოტარიულად დამოწმებული;

2.6 დამატებითი ინფორმაცია

2.6.1 გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს



ვაჭრობის შედეგად დაფიქსირებული საბოლოო ფასი (ასეთი არსებობის შემთხვევაში) დანართი N1-ის შესაბამისად;

2.7 შენიშვნა:

2.7.1 თითოეული მარშუტი დაზუსტდება და მიმწოდებელს ეცნობება მომსახურების გაწევამდე ერთი დღით ადრე.

2.7.2 გამარჯვებული მიმწოდებელი ვალდებულია (ერევანის შემთხვევაში) თავად უზრუნველყოს ავტომობილის დაზღვევა.





3. სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. თბილისი

„____“ _____ 2015 წელი

ერთი მხრივ, სსიპ ფინანსთა სამინისტროს აკადემია (შემდგომში „შემსყიდველი“) წარმოდგენილი მისი დირექტორის თამარ ჯაფარიძის სახით და მეორე მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე;
- 1.4. „შემსყიდველი“ - ორგანიზაცია, რომელიც ახორციელებს შესყიდვას;
- 1.5. „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში;
- 1.6. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

2.1. სახელმწიფო ბიუჯეტის სახსრებით ტრენინგში მონაწილე პირებისთვის ტრანსპორტით მომსახურების შესყიდვა (კლასიფიკატორის CPV- 60100000 კოდი და შესყიდვის კონკრეტული ობიექტი - 60170000, 60171000; 601172000)დანართი N1-ის შესაბამისად. აღნიშნული დანართი წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების მოქმედების ვადა, მომსახურების გაწევის ვადები და ადგილი

- 3.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2015 წლის 30 სექტემბრამდე;
- 3.2. მომსახურების გაწევის ვადა: 2015 წლის 24 მაისიდან 2015 წლის 6 ივნისის ჩათვლით, შემსყიდველის მოთხოვნის შესაბამისად
- 3.3. მომსახურების გაწევის ადგილი: შემსყიდველის მოთხოვნის შესაბამისად.



4. ხელშეკრულების ღირებულება

4.1. ხელშეკრულების ღირებულება შეადგენს ----- (----- ლარი) ლარს.

4.2. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს;

4.3. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

4.4. წინამდებარე ხელშეკრულების პირობების შეცვლა, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

5. მხარეთა უფლება-მოვალეობები

5.1. მიმწოდებელი ვალდებულია უზრუნველყოს:

5.1.1 სასწავლო ტრენინგში მონაწილე პირების ტრანსპორტირება წინამდებარე ხელშეკრულების დანართი N1-ის შესაბამისად;

5.1.1.1 მიმწოდებელი ვალდებულია უზრუნველყოს მგზავრათა, კომფორტული, უსაფრთხო და დროული გადაადგილება;

5.1.1.2 სომხეთის შემთხვევაში უზრუნველყოს ავტომობილის დაზღვევა;

5.2. შემსყიდველი ვალდებულია:

5.2.1 უზრუნველყოს ხელშეკრულების შესრულების კონტროლი;

5.2.2 განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, შემსყიდველის მოთხოვნათა შესაბამისად, მოსახურების გაწევის დროს.

5.2. ხელშეკრულების შესრულების კონტროლს განახორციელებს: სსიპ - ფინანსთა სამინისტროს აკადემიის დირექტორის ბრძანებით განსაზღვრული უფლებამოსილი პირ(ებ)ი.

5.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეულ მომსახურებაში, მიმწოდებელი ვალდებულია დაუყოვნებლივ გამოსწოროს წუნი, ხოლო თუ მიმწოდებელი ვერ შეძლებს წუნის გამოსწორებას და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

6. მიღება-ჩაბარების წესი

6.1. მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, კონტროლის განმახორციელები პირ(ებ)ის დადებითი დასკვნის საფუძველზე.

6.2. შესყიდვის ობიექტი ჩაითვლება მიღებულად მისი ფაქტობრივი მიწოდების და მხარეთა შორის შესაბამისი მიღება-ჩაბარების აქტის გაფორმების შემდეგ.

6.3. მომსახურების მიღებას აწარმოებს: სსიპ - ფინანსთა სამინისტროს აკადემიის დირექტორის ბრძანებით განსაზღვრული უფლებამოსილი პირ(ებ)ი.



7. ანგარიშსწორება

7.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნადლო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას გადაუხადოს მიმწოდებელს ფაქტიურად გაწეული მომსახურების ღირებულება შესაბამისი ანგარიშ-ფაქტურის წარმოდგენიდან და მიღება-ჩაბარების აქტის გაფორმებიდან (თუ მიმწოდებელი არ არის დღგ-ეს გადამხდელი, დღგ-ეს არ გადამხდელობის შესახებ შესაბამისი ცნობის წარმოდგენიდან) 20 (ოცი) სამუშაო დღის განმავლობაში.

7.3. თუ ანგარიშსწორება ბოლო ვადა ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

9. ხელშეკრულების პირობების შეუსრულებლობა

9.1. ხელშეკრულების 5.1 პუნქტით განსაზღვრული შეუსრულებლობის ან არაჯეროვნად შესრულების შემთხვევაში შემსყიდველი უფლებამოსილია მიმწოდებელს დაკისროს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.

9.2. ხელშეკრულების 6.3. პუნქტით განსაზღვრული მომსახურების შეუსრულებლობის ან არაჯეროვნად შესრულების შემთხვევაში შემსყიდველი უფლებამოსილია მიმწოდებელს დაკისროს პირგასამტეხლო ყოველ ასეთ დღეზე ხელშეკრულების ღირებულების 0.07%-ის ოდენობით.

9.3. იმ შემთხვევაში თუ მიმწოდებელზე დაკისრებული პრგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა



11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

11.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს სასამართლოს კანონით დადგენილი წესით.

12. ხელშეკრულების შეწყვეტა

12.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

12.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ფორს-მაჟორი

13.1. წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

13.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

15. მხარეთა რეკვიზიტები:

შემსყიდველი

მიმწოდებელი

სსიპ - ფინანსთა სამინისტროს აკადემია
წარმოდგენილი დირექტორის თამარ ჯაფარიძის
სახით,
მის: ქ. თბილისი, გორგასლის ქ. №10
საბანკო რეკვიზიტები: სახელმწიფო ხაზინა,
ხაზინის ერთიანი ანგარიში TRESGE22. ს/კ 206348987

დასახელება
ფაქტიური მისამართი:
იურიდიული მისამართი:
ტელ:
ს/კ
საბანკო რეკვიზიტები:

თამარ ჯაფარიძე



3. დანართი #1

ფასების ცხრილი

ავტოსატრანსპორტო საშუალების ტიპი	ავტოსატრანსპორტო ორთო საშუალებების რაოდენობა	მარშრუტი	მარშრუტის რაოდენობა	საორიენტაციო დრო	* ერთი მარშრუტის დირეზულებ ა (ზღვრული მოცულობა)	საერთო დირეზულებ ა
1	2	3	4	5	6	7
მიკრო ავტობუსი (17 ადგილიანი)	1	აეროპორტი-სასტუმრო	2	24.05.15	120	
მსუბუქი ავტომანქანა	2	აეროპორტი-სასტუმრო	5	24.05.15	60	
მიკრო ავტობუსი (17 ადგილიანი)	1	სასტუმრო აეროპორტი	1	06.06.15	120	
მინივენ (7 ადგილიანი)	1	სასტუმრო აეროპორტი	1	05.06.15	100	
მსუბუქი ავტომანქანა	2	სასტუმრო აეროპორტი	3	06.06.15	60	
მსუბუქი ავტომანქანა	1	რუსთაველის გამზირი-აკადემია- რუსთაველის გამზირი (3 პირის ტრანსპორტირება)	10	24.05.15-06.06.15	100	
მინივენ (7 ადგილიანი)	1	ერევანი-თბილისი-ერევანი (5 პირის ტრანსპორტირება)	1	24.05.15-ში ჩამოსვლა 06.06.15-ში წასვლა	1200	
* მიკრო ავტობუსი	1	შიდა გადაადგილება თბილისის ტერიტორიაზე (სასტუმრო - აკადემია-სასტუმრო - 18 პირის ტრანსპორტირება; აკადემია-რესტორანი-აკადემია 31 პირის ტრანსპორტირება)	8	24.05.15-06.06.15	350	
* მიკრო ავტობუსი	1	შიდა გადაადგილება თბილისის ტერიტორიაზე (სასტუმრო - აკადემია-18 პირის ტრანსპორტირება; აკადემია-რესტორანი-აკადემია 31 პირის ტრანსპორტირება, აკადემია-ნარიყალა-მთაწმინდა- სასტუმრო 18 პირის ტრანსპორტირება)	1	25.05.15	350	



* მიკრო ავტობუსი	1	შიდა გადაადგილება თბილისის ტერიტორიაზე (სასტუმრო - აკადემია-თბილისის იუსტიციის სახლი-სასტუმრო - 18 პირის ტრანსპორტირება; აკადემია - რესტორანი თაღლაურა-აკადემია 31 პირის ტრანსპორტირება)	1	28.05.15	350	
ავტობუსი	1	თბილისი - მცხეთა-ჯვარი-უფლისციხე-თბილისი (35 პირის ტრანსპორტირება)	1	30.05.15	800	

(*)სატენდერო წინადადებაში ერთეულის ფასები გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით მათ შორის. დ.დ.გ.-ს გათვალისწინებით თუ პრეტენდენტი არის დ.დ.გ.-ს გადამხდელი. ნებისმიერი ხარჯი ან გადასახადი, რომელიც არ შევა ამ ღირებულებაში არ ანაზღაურდება.

(*)ანგარიშსწორება მოხდება უნაღდო ანგარიშსწორებით ლარში.

(*)ანგარიშსწორება მოხდება ფაქტიურად გაწეული მომსახურების შესაბამისი ანგარიშ-ფაქტურის წარმოდგენიდან, (თუ მიმწოდებელი არ არის დ.დ.გ.-ს გადამხდელი, დღგ-ეს არ გადამხდელობის ცნობის წარმოდგენიდან) და მიღება-ჩაბარების აქტის გაფორმებიდან 20 (ოცი) სამუშაო დღის განმავლობაში.

(*) საავანსო ანგარიშსწორება არ გამოიყენება.

(*) თითოეული მარშრუტის დრო დაზუსტდება და მიმწოდებელს ეცნობება ხელშეკრულების დადების მომენტისთვის.

(*) გამარჯვებული პრეტენდენტი ვალდებულია თავად უზრუნველყოს (ერევანის შემთხვევაში) ავტოსატრანსპორტო საშუალების დაზღვევა.

(*) მიკრო ავტობუსს მოუწევს (31 პირის ტრანსპორტირება) აკადემიიდან რესტორანში და პირიქით უზრუნველყოს 2 გზის განხორციელება, კერძოდ ერთ გზაზე წაიყვანს 16 პირის, ხოლო მეორე გზაზე 15 პირს;

(*) ერთეულის ფასის გრაფაში მოცემულია ერთი მარშრუტის ღირებულების ზღვრული ოდენობა, პრეტენდენტს არააქვს უფლება აღნიშნულ რომელიმე პოზიციაზე ერთეულის ფასის ზრდის;

(თანამდებობა, სახელი, გვარი)

(ხელმოწერა, ბ.ა)



რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის საკონტაქტო ნომერი:

ბანკის დასახელება: ანგარიშსწორების ანგარიშის ნომერი:

ელექტრონული ფოსტის მისამართი:

სასტუმროს ვებ-გვარდის მისამართი:

(თანამდებობა, სახელი, გვარი)

(ხელმოწერა, ბ.ა.)



ინფორმაცია მომსახურების შესრულებისათვის საჭირო ავტოსატრანსპორტო საშუალებების შესახებ					
№	ავტოსატრანსპორტო საშუალებების დასახელება	მოდელი, ტიპი, მარკა და გამოშვების წელი	რაოდენობა	მდგომარეობა (ახალი, ნორმალური, მოძველებული)	საკუთრება (საკუთარი, დაქირავებული-ვისგან)
1					
2					
3					
4					
5					